

中華郵政總局特准掛號認爲新聞紙類

中華民國十年五月三日出版

京兆公報

第一百七十五期

星期二

京兆公報第一百七十五期目錄

命令

大總統令

本公署公牘

訓令二十縣知事准幣制局咨據印刷局呈請勵行國幣條例通飭國內各銀行發行鈔票均須交職局印製并嚴禁私用銅版石印鈔票令仰遵照辦理文

訓令財政廳大興等十縣知事奉部令將統計講習所畢業學員謝文楫等解單令仰分派各公署充任統計員并將辦理情形隨時具覆文(附清單)

訓令京兆財政廳長准財政部咨本部呈准續籌抵押債票整理辦法照錄原呈咨請查照令仰遵照文(附原呈)

訓令二十縣知事奉 內務部令開財政部會同教育農商暨本部催辦所得稅通電業經封發復准財政部函請通令等因令仰遵照文

(附原函原電)

訓令京兆財政廳長准財政部咨本部呈准擬整理內國公債辦法確定本息基金并籌擬詳細辦法奉 明令公布各在案照錄原呈咨請查照令仰遵照文(附原呈)

訓令二十縣知事准農商部咨據駐英使署函開萬國家會宗旨在

增進家會學識以圖事業發達無論個人團體皆可赴會有願赴會者自備川資由部介紹令仰查照辦理文(附通告)

訓令二十縣知事准國立北京醫學專門學校等校函請遇有執行死刑之屍體無親屬領取者由電話通知陸軍軍醫學校具領設法收存仍應照章施行解剖以資實習令仰查照辦理文

批喻以書呈一件 批史馮氏等呈一件 批王貴德呈一件
批郭兆慶呈一件 批劉勇呈一件 批宋中楫呈一件
批宗範明呈一件 批陳永山等呈一件 批王張氏呈一件

批周文藻等呈一件 批于國潤等呈一件 批周景明呈一件
批李希明呈一件 批梁德瑞等呈一件 批李士英呈一件
批胡鶴年呈一件 批法亮呈一件 批譚春呈一件

批鍾祿呈一件 批周化庭呈一件 批武桓等呈一件
批周景明呈一件

京兆財政廳公牘

呈京兆尹呈報本廳擬撥通縣昌平農工銀行資本十萬元當日如何指撥及催收股息情形對於兩行究當如何行使股東權利請咨財政部核示文

附錄

禁烟法令

命 令

大總統令 四月二十八日

任命達賚爲將軍府將軍此令

大總統令 四月二十八日

署外交總長顏惠慶呈請任命何厚琦兼署營口交涉員王順存兼署安東交涉員均照准此令

大總統令 四月三十日

署司法總長董康呈請任命魏先根署京師地方檢察廳檢察官張梯雲署直隸第一高等審判分廳監督推事錢鴻業署直隸第一高等檢察分廳監督檢察官董玉堦署直隸萬全地方審判廳長張元通署奉天海龍地方檢察廳檢察長鍾之翰署東省特別區高等審判廳庭長雷光曙署東省特別區高等審判廳推事賀繼循署陝西高等檢察廳書記官長均照准此令

大總統指令第一千二十六號 四月三十日

令署內務總長張志潭

署財政總長周自齊

呈請將前次彙案呈准之京兆五年分田賦考成案內大興縣知事崔麟臺所受處分准予撤銷以昭核實
由

呈悉應准撤銷此令

命 令

○本公署公牘○

訓令二十縣知事准幣制局咨據印刷局呈請勸行國幣條例通飭國內各銀行發行鈔票

均須交職局印製并嚴禁使用銅版石印鈔票令仰遵照辦理文 四月四日

案准幣制局咨開本局爲整齊幣制監督發行起見前經會同財政部呈請 大總統令准限定各種紙幣及有價證券交財政部及本局所屬印刷局印製以重幣制並一面通行各省區查照在案茲據印刷局呈稱近查京內外各銀行印製鈔票仍有陽奉陰違情事甚至鈔票之發行尙未呈請鈞局核准而鈔票之印刷業已向其他印刷商店訂製流弊所及遂致偽造濫發漫無稽考在職局營業之損失不足惜其紊亂幣政擾害金融影響於財政前途實有不堪設想者局長體察現狀未敢安於緘默爲此仰懇鈞局重申前令厲行國幣條例通飭國內各銀行凡有發行鈔票特權者均須呈由鈞局核准發交職局印製否則在市面上卽無合法通用之効力並嚴禁使用銅版石印等鈔票以杜偽造似與整理幣制維持營業兩有裨補等情前來查該局所請嚴禁使用銅版石印鈔票並厲行前令通飭各銀行凡有發行鈔票特權者均須呈由本局核准再交印刷局印製各節自係正當辦法除由本局布告外相應咨請查照並照錄本局布告令行所屬暨各商會各銀行遵照一面出示禁止各印刷商店不得承印現洋或銅元等紙幣切實取締以重幣政仍希將辦理情形咨復本局備案可也等因准此除宣登京兆公報並分行外合行照錄布告令仰該縣遵照辦理仍將遵辦情形呈報本署以憑彙轉勿違此令

訓令財政廳大興等十縣知事奉部令將統計講習所畢業學員謝文枬等開單令仰分派

各公署充任統計員並將辦理情形隨時具覆文 四月十二日

案查本署前送內務部統計講習所肄業各學員現屆期滿畢業當奉

內務部令開查統計年鑑之編製首在羅舉事實逐年比較盡綜合分析之功示消長盈虛之故各地方報部表冊宜按照統計表編製暫行規則第二第三兩條依次編造以期年度之銜接溯自調查施行以來業經數載各省區多未能如期填報或始全中缺或文電空馳歷久視若具文殊失重視統計之意况今年鑑即古之政書禹貢周官二書所載精義早存漢唐之上計報最成規尤著洵因革之準則得失之權衡國勢民情咸資考證非徒磨勘帳簿繪演算式已也故有完全之調查方可以為比較尤須有真確之材料方可以言編製數年來報部各表除少數省分外類多舛誤縱或數字分合悉符而施以統計整理之法非有乖乎事實即未洽於論理本部彙編各表僅能分省分年隨時刊印而全國之年鑑迄未得覩其成規國者引為缺憾為政者鮮所憑依推原其故實由於統計學術之未昌統計人才之或乏本部為根本改進計爰有統計講習所之設分行各省區選送學員來所肄業現在為期屆滿驗其所習學科均及格成績蔚然查該講習所章程第六條規定學員考試畢業後除發給證書外仍咨回原省區由各該省區長官酌量派充各公署統計員等語茲將學員謝文枏等十三名按照畢業等第開列名單令仰該尹分派各公署充任統計專員著手辦理九年度內務統計八年度以前未經報部各表一併責成各該員等按年補編逾期報部核計該項人員雖分配尙覺未敷而既各能本所學以致用自必程功較易成效可期除發給各該員畢業證書另行給文投到外合先令行查照督飭認真辦理並將辦理情形隨時具覆等因奉此應即照章派充各公署統計員以資整理統計事宜

公 牘

四

合將該所畢業學員

分發該

縣

仰即派充該

縣

統計員以符部章除呈請

內務部備案外合行給文前往投到仰即查照此令

附錄呈部清單

謹將分發所屬各機關統計講習所畢業學員之姓名繕單呈請
鈞鑒

計開

謝文枏 派充通縣統計員

于 定 派充武清縣統計員

許 愈 派充薊縣統計員

趙嘉言 派充三河縣統計員

胡寶第 派充昌平縣統計員

周乃芬 派充本署統計處辦事員

王 鈞 派充大興縣統計員

魏 杰 派充京兆財政廳統計員

許以權 派充京兆警備隊總司令處統計員

鄭蘭昇 派充涿縣統計員

胡 湘 派充霸縣統計員

王良輔 派充宛平縣統計員

段 焯 派充固安縣統計員

以上共計十三員

訓令 京兆財政廳長 准財政部咨本部呈准續籌抵押債票整理辦法照錄原呈咨請查照

令仰遵照文 四月十四日

本年四月九日准財政部咨開查本部續籌抵押債票整理辦法業於三月三十日呈奉 大總統指令呈悉准如所擬辦理等因在案除通行外相應照錄原呈咨請查照轉令所屬一體遵照等因附抄件准此合亟抄錄原呈令仰該廳遵照此令

附原呈

財政部呈大總統文

呈為抵押債票續籌整理辦法並指定還本基金以固信用而便流通恭呈仰祈 鈞鑒事竊本部前以已經發行之各項公債亟須整理業經擬具辦法呈請

大總統令准公布施行在案惟查前項整理公債辦法係專以歷次實在售出債票為範圍此外抵押各銀行暨各機關之票為數尙鉅原呈內曾聲明另籌切實清理方法因該項債票雖在債權人之手而押款清還以後債票仍屬部有為國家減輕負擔計為商民周轉金融計均應續籌辦法俾全國信而資流通庶於

公 牘

五

本部整理公債宗旨終始貫徹於國於民兩有裨益現查本部抵押各銀行暨借撥各機關之債票計元年公債六千四百零一萬九千四百三十元八年公債二千二百萬元兩共八千六百零一萬九千四百三十元核其實抵數目平均計算不過百分之十五擬將該項抵押債票俟十年以後整理公債辦理完竣即可騰出款項依據前次呈准整理辦法開始還本其在十年以內即照整理公債利率按期付息不還本金所有十年內應付息款另由本部按期籌撥備付至此項辦法原爲保全押品信用起見所有各項債務仍應由部設法趕速清理總期於極短年限將前項債票隨時收回銷毀俾可減輕負擔兼籌並顧舍此別無良法所有續籌抵押債票整理方法是否有當理合呈請

大總統鈞鑒訓示施行謹呈

大總統

中華民國十年三月三十日奉

指令呈悉准如所擬辦理此令

訓令二十縣知事奉內務部令開財政部會同教育農商暨本部催辦所得稅通電業經封

發復准財政部函請通令等因仰遵照文 四月十四日

本年四月四日奉 內務部令開財政部會同教育農商暨本部對於各省區催辦所得稅通電一件業於昨日封發茲復准財政部函請通令等因到部除通咨并分令外合亟抄錄原件令仰該尹遵照辦理等因附抄件奉此除分行外合亟抄錄原件令仰該縣遵照此令

附原函原電

照錄財政部公函

逕啓者本月十九日閣議席上本部提出對於各省區督軍省長都統催辦所得稅四部通電一件業經
貴部總長會同教育農商暨本部總長判行除原電已由本部照發並存案外茲特將皓電原文照錄一份送
請

貴部查照備案一面仍請

貴部照錄上項皓電通令各省區警察廳一體遵照就近會同財政廳長所得稅主管員共策進行尅期呈報
以憑查核可也此致

內務部

致各省區督軍
都統省長電

各省督軍省長各都統鑒所得稅前奉明令指定用途認真辦理其征收調查各事項有關內務農商各部者
並著各該部切實協助各省區軍民長官尤應同力合作督屬推行等因當經遵令推行在案現在財政困難
教育應振興而不能振興實業宜提倡而不能提倡馴至已辦之學校艱於維持方萌之企業難資孳殖保育
既廢邦不堪虞所得稅世稱良稅篠日閣議又經教育部提出所得稅徵收保管及支出各辦法議決交辦茲
已屆實行之期亟應妥速辦理以資應付此事功令所在本部等與貴軍民長官均有職責用特合詞請爲贊
助並飭屬查照頒行章制多方勸諭協力進行其徵收手續上有需各機關互助之處請卽就地會商俾臻妥

公 牘

七

洽至於進行情形並祈督飭主管機關隨時呈報尅期觀成育才殖業曷勝利賴內務部財政部教育部農商部

訓令 京兆財政廳長 准財政部咨本部呈准擬整理內國公債辦法確定本息基金並籌擬

詳細辦法奉 明令公布各在案照錄原呈咨請查照令仰遵照文 四月二十一日

本年四月九日准財政部咨開查本部呈擬整理內國公債辦法暨確定本息基金一案業於三月三日奉

大總統明令公布嗣經本部將籌擬整理內國公債詳細辦法於三月二十日呈奉

大總統指令呈悉准如所擬辦理等因各在案除通行外相應照錄原呈暨辦法咨請查照轉令所屬一體遵

照等因附抄件到署除分行外合亟抄錄原呈令仰該廳遵照此令

附原呈

財政部呈 大總統文

呈爲整理內國公債確定本息基金擬具辦法恭呈仰祈 鈞鑒事查民國成立以來政變紛乘國家預算迄未實行每年入不敷出輒仰給於內國公債自元年以迄九年其發行總額已達三萬一千五百餘萬之鉅值此民生日蹙公私交迫之秋國民尙肯竭其汗血之資以赴國家之急其愛國熱誠可以想見果能因勢利導確樹信用則內債一項寔足爲國家救濟緩急之資推查各項公債七年短期有延期賠款確實撥抵三四年公債會由本部指定常關收入暨德俄停付賠款交與總稅務司專款存儲以爲償本付息之基金信用甚著票價日高此外各種內債抽籤還本不免時有愆期以致信用日墜價格日落推厥原因皆由基金不能確定

之故就本年應付各種內國公債本息數目而言除七年短期與三四年公債本息外餘如遵照公債條例按期償本付息即需三千九百七十萬元之多按之目前財政狀況必無力以辦此但若任意延擱不為速籌辦法一旦措手不及必至停付本利直接喪失國家之信用間接牽動社會之金融蓋近年以來國內銀行事業日形發達而買賣有價証券為銀行重要之營業假令各項內債本息一朝停滯全國金融必受恐慌自齊審時度勢此種情形近在眉睫若竟出此何異政府對於國民宣告破產而財政命脈國家生機從此斷盡此各項內債之不能不速籌整理辦法以維持國家之信用社會之金融者也但各項公債發行方法均有不同有十足發行者有低價發售者有撥抵積欠經費者元債八價市上價格僅及原訂票面十分之二若概照票面十足償付本息不特國家損失過重而整理基金亦若難於籌足例如元年八年兩項公債或則低價出售或則抵發欠餉核與三四五等年公債暨七年短期與金融公債等按法定價格發行者實不可同日而語為今之計若由政府另發六厘七厘新債即行開始抽籤還本折衷最高市價厘定折扣准其自由以舊易新在一班執票之人雖按之票面不無犧牲利益而新債發行抽籤提早票價自高流轉較易其中得失自不待言當亦人人所樂從但其他公債為數高鉅自非酌量基金情形及債額多寡通盤籌算一律整理並將還本年限量予規定仍不足以資調劑而固信用况元八兩債既經整理則票戶利益不無犧牲若不指定確實基金與以永遠之保障則空言奚補更無以對國民自齊一再思維中央固有之收入不外關鹽餘款及烟酒稅費茲定在鹽餘項下年撥銀元一千四百萬元烟酒稅費項下年撥銀元一千萬元在烟酒稅公賣費尙未整理收效及歷年指定烟酒稅費押借各款尙未清償以前咨商交通部先於交通事業餘利項下每月措撥數千萬

元以足每年一千萬元之數此項基金并照三四年七年短期公債辦法由各該機關直接撥交總稅務司安格聯會同銀行專款存儲以資應付嗣後常關收入及海關餘除扣抵七年短期公債三四年公債款項以外再有盈餘及三四年公債還清以後所有各項財源如停付德俄賠款之類均歸入此次整理公債基金之內但以後公債基金如足每年二千四百萬元之數則前指鹽餘及烟酒稅費暨交通部借撥之款即應依次減撥俾紓財力而期兼顧抑自齊於此更不能不有所陳明者此次整理公債非為國家增加支出定為國家減少支出亦非竭國家僅有之收入而用之不急之途誠以不加整理其每年應需債本付息之來源不外乎取之上列各項收入與其臨渴掘井使公債不能堅其信用何如未雨綢繆為國家財政留一綫生機此應陳明者一此次整理公債其元年八年兩項之範圍係根據上年付息總表及實在售出額數而定此外債票抵押各銀行機關未經付息者為數尙鉅商民血本攸關亦應續籌切實清理方法總使債權有著不失絲毫信用為依歸此應陳明者二總之公債一途為現今東西各國立國之命脈致富之根基我國萌芽方始風氣初開果能整理得宜則人民重視債票樂於投資利源既闢何事不舉否則凡百設施皆須仰給於外資損失權利何可勝計此尤自齊所且夕憂慮不能不冒羣疑犯衆難毅然以整理自任者也至各項詳細辦法業經擬具議案提交國務會議議決照辦如蒙 允准即請明發命令責成本部會同內國公債局遵照辦理自此次辦法確定以後所有鹽關各款及菸酒稅費各項中央直接收入均應悉數報解凡從前於前項收入內曾經指撥之款由本部另行籌付應請一併 令下各省不得再請截留挪用以資鞏固除將整理辦法及各項還本付息總表另摺繕呈外所有整理內國公債確定本息基金緣由理合呈請

大總統鈞鑒訓示施行謹呈

大總統

中華民國十年三月三日奉

大總統令

近年財政艱難全持內債一項以爲周轉之資溯自民國元年迄今發行內債已歷八次財政金融兩有裨益惟因大局未甯國計益絀以致內債信用不免同受影響所關甚鉅自應亟圖整理之法以資補救茲據財政部呈擬整理內國公債辦法業經國務會議決定應即責成該部會同內國公債局督率總稅務司安格聯及中國交通兩銀行按照三四年公債暨七年短期公債辦法認真辦理期裨金融而利推行此令

財政部呈 大總統文

呈爲籌擬整理內國公債詳細辦法茲謹另繕清摺恭呈仰祈 鈞鑒事竊查整理內國公債確定本息基金業於本月三日恭奉

大總統命令責成本部會同內國公債局督率總稅務司安格聯及中國交通兩銀行按照三四年公債及七年短期公債辦法認真辦理等因具仰 鈞座尊重國信之至意薄海人民同深感怵查公債整理之有無成效全視此次指撥基金辦法之是否確實爲依歸本部迭經會同各該機關認真籌畫以期全國債務及早逐漸整理所有此次整理公債大綱不外前呈所擬各辦法茲再行詳細手續分條縷舉另繕清摺恭候 訓示施行指撥基金一層尤關重要業經議定以三四年公債及七年短期公債指抵本息外之常關稅及關稅餘

款暨除業經指抵外之鹽稅餘款烟酒收入之一部分撥充基金暫時恐有不敷即由交通部在交通事業餘利項下每月借撥五十萬元以足每年二千四百萬元之數作為定案但自齊於此不能不更有所陳明者內國公債為國家命脉社會金融之所寄託關係至巨自應督飭中國交通兩銀行與主管撥款各機關商定逐期撥款辦法切實照行無論如何為難此次所定辦法不得有所變更免墮國家之信用而貽外人以口實所有籌擬整理內國公債詳細辦法各緣由除將公債還本付息表另摺附送外理合呈請

大總統鈞鑒訓示施行謹呈

大總統

謹將酌擬整理內國公債辦法開呈 鈞鑒

計開

(一)八釐軍需公債 原發行額共為七百三十七萬一千一百五十元除已抽還四百萬元外尙餘三百三十七萬一千一百五十元原定每次抽還五分之一尙餘二次每次應抽一百六十八萬五千五百七十五元此項公債利息較優且已抽還本銀三次尙餘兩次擬改自本年起分四年四次抽完

(二)愛國公債 原發行額為一百六十四萬六千七百九十元除已抽還一百三十二萬元外尙餘末次應還本銀三十二萬六千七百九十元此項公債原以京鈔計算現京鈔截止擬改以七成現洋計算即於本年內如數還清

(三)元年公債 此項公債截至民國十年二月止發行額為一萬三千五百九十八萬五百七十元其發行價

格參差不一南京賠償損失一百八十餘萬元當時雖係照額面發給而目下市價已低至三折以下收回烟土發行之一千二百七十餘萬元市價亦在四折以下其餘發行者出售價格均在四折以內且已領過利息二三期目下市價均已低至二折以內茲擬另發六厘新債票每舊元年債票百元得換新債票四十元餘可類推其不願者並自本年即行抽籤還本分十年還清

(四)五年公債 原定債額二千萬元除已抽一次計一百二十四萬二千四百十元外尚餘債額一千八百七十五萬七千五百九十元原定自民國六年起分三年六期抽完現已誤期五年擬重定抽籤還本期限即自民國十五年後分三年六期抽籤因三四年公債於民國十四年清還即以三四年公債所指撥之抵款轉充五年公債還本付息之基金

(五)七年長期公債 此項公債原定自民國十八年起抽籤還本其時五年公債已抽完可繼以三四年公債抵款為七年長期抽籤還本之基金擬仍按照原條例辦理不必更動

(六)八年七釐公債 此項公債原發行額為三千四百萬元原定自第六年起每年抽十五分之一在市價僅二三折茲擬另發七厘新債票分為公債百元得換新債票四十元餘可類推其不自本年起分十年償清

(七)整理金融公債 此項公債擬仍照原條例辦理

(八)指撥本息基金 此項本息基金現擬以各常關收入及海關稅餘款除償付三四年公債及七年短期公債本息外所有餘款儘數作抵不足之款擬在鹽餘項下提撥每年總數以一千四百萬元為度不得超過全部公債基金每年所需總數十二分之七以次遞推並在烟酒收入項下提撥每年總數以一千萬元為

度不得超過每年公債基金所需總額十二分之五如煙酒收入不足此數擬由交通部先於交通事業餘利項下每月借撥五十萬元將來即以煙酒整理後收入餘款償還至此項指撥辦法應由交通部與銀行代表煙酒事務署三面商定之

(九)上項基金保管方法 此項基金處理保管均極重要擬統仿照三四年七年短期公債辦法由各該機關商定撥款手續撥交總稅務司安格聯一面由內國公債局暨銀行方面推舉代表與該總稅務司會同辦理似此基金有着人民庶曉然於公債之整理有方至該總稅務司收到各項基金應如數存入中國之銀行以資應付銀行方面應照三四年辦法亦隨時協濟以助進行

訓令二十縣知事准農商部咨據駐英使署函開萬國家禽會宗旨在增進家禽學識以圖事業發達無論個人團體皆可赴會有願赴會者自備川資由部介紹令仰查照辦理文

四月二十二日

案准農商部咨開准駐英使署函開據萬國家禽會函以一千九百二十一年九月在海牙開會其正式請柬日後由和蘭外部分送惟組會情形及應辦各端先行通告請煩轉致查閱等情函請查照辦理等因到部查該會宗旨在增進家禽學識以圖家禽事業之發展無論個人團體均可赴會毫不限以資格藉觀摩於萬國輸知識於衆長誠爲不可多得之機會比年我國人士對於各項實業頗知注意講求即如蛋廠一項通都大邑業已聞風興起是家禽學術之研究正不容緩擬請飭知所屬公私團體如有願赴該會者均可自備川資由本部介紹前往與會除令知實業廳外相應譯錄萬國家禽會通告咨請查照轉飭等因准此除將通告照印分行並登京兆公報俾衆周知外合行令仰該縣查照辦理具報此令

附通告

譯錄萬國家禽會通告

全球第一次家禽大會現已得和蘭政府歡迎准於本年九月六號至十三號在和蘭海牙開會其幹事會現已成立幹事會人員即由和蘭農部人員及原有之萬國家禽會人員組織之以歡迎各國之赴會者至大會董事會各國亦大多組織就緒如比國坎拿大丹麥法國英國意大利那威葡萄牙瑞典美國均有大會規則不日出版所有組織之法及所議問題以及講演員姓名詳於大會規則中又海牙至各國通行要路亦均預備招待其客寓亦定有特別價金凡與會者定可得充分之學識歐洲人員謂和蘭為歐洲經濟實驗場由今觀之洵不誣也本會演說人員不限於學界實業界即商界中凡富於家禽知識者亦可與會其演說之男女人員由美國來者居多均為知名之士各國人士有欲索大會規則及賽會章程者可逕向各該本國董事會取之或向海牙大會之幹事會函索亦可此會無論為國家機關普通機關及學校或與家禽有關係之團體均可派遣代表惟赴會者每人須納會金連同報告費計共十二和金(合美金五元)此次家禽賽會可為獨一無二之賽會因由各國送來之家禽皆為極好種類且有各種機器書籍圖書照片等互相比賽無惑乎各國政府皆贊成爲力予提倡也

訓令二十縣知事准國立北京醫學專門學校等校函請遇有執行死刑之屍體無親屬領取者由電話通知陸軍軍醫學校具領設法收存仍應照章施行解剖以資實習令仰查

照辦理文 四月二十二日

案准國立北京醫學專門學校陸軍軍醫學校北京協和醫學校函開竊醫學進步端在解剖非解剖無以知身體之構造不知身體之構造無以定診治之方針查內務部於民國二年三年間先後頒布解剖章程細則足爲政府提倡醫學之明證我國人士於解剖之功用及醫學之關係多不了解而社會心理尤以解剖屍體引爲禁忌是以自解剖章程公布之後各處地方官廳多未盡奉行收效甚鮮數年以來各處醫校請領屍體備極困難京師每校每年至多不過六具較之日本東京帝國大學每年所得至六百具之多相差甚鉅前曾由中國解剖學人類學會呈請各官廳核辦亦無效果用特合懇遇有執行死刑之屍體無親屬領取者即由東局二八五六電話通知陸軍軍醫學校具領並由該校設法收存他校遇有需用之時可至該校領取仍應照章施行解剖以資實習而符定則相應函達請煩查照俯准照辦等因准此除分行外合亟令仰該知事查照辦理切切此令

批寶坻公民喻以言呈訴勸學所長張丹忱挪款改賬請委查文 四月十一日

呈悉查此案前據呈訴到署已令行該縣查覆在案據呈各節仰候令縣併案查明速覆以憑核辦此批

批史馮氏等呈爲氏夫等被劫後反被羈押數年之久冤請飭縣明示文 四月十五日

呈悉查史文海奏國元趙德奎等因誣告董朝弼等在途行劫經順義縣公署於七年四月分別判處徒刑並呈奉京師高等檢察廳指令依法執行在案據呈前情合行批示知照此批

批平谷醇厚堂王貴德呈爲與張奉先等債務糾葛一案請飭縣迅予判決文 四月十五日

呈悉已據情令行平谷縣迅予依法判決矣仰即知照此批

批昌平人郭兆慶呈爲王玉成霸佔弟婦郭龐氏通姦謀害胞弟郭兆康生死不明一案請

飭縣即傳嚴訊文 四月十五日

呈悉仰候令行昌平縣知事迅將此案研審確情依法判決此批

批三河劉勇呈爲再懇飭縣發給永佃執照以免拖累文 四月十六日

呈悉查此案前據該縣知事呈覆到署內稱傳案質訊劉勇供稱三十畝地已判歸高小學校情願退出禾稼已然收穫願交租錢每畝大洋二元合大洋六十元正已措齊願具交狀等語知事當庭宣告劉勇供稱已與學校說明今年願認每畝現租二元三十畝共交大洋六十元業已措齊交案著即照准即日飭行學校具領俟至明年應由高小學校自由招佃劉勇不得強種如違加等治罪並取具劉勇交狀切結附卷各等語是此地爲學校所有由學校自由招租該民在縣已具有切結即或該民仍欲租種此地應向學校婉商此地歸何人租種學校自有主權所請令縣飭校之處應無庸議合行批示知照此批

批北京高師學生朱中楫呈請飭大興縣迅給旅費文 四月十六日

呈悉查此案前已令縣尙未具覆仰候再行令縣迅速辦理此批

批密雲民宗範明呈爲民父在密雲縣議事會值宿夜被匪打碎頭骨用棉塞口身死一案

議事會會計王華三賄使知事故意延擱請速提訊文 四月十八日

據呈已悉仰候令行該縣迅予嚴緝逃兇務獲究辦此批

批三河二十三莊代表陳永山等呈爲河道阻塞水無去路現在水涸建閘調淤施工甚易

懇委勘估辦理文 四月十八日

呈悉仰候令行北運河務局查案擬辦呈核此批

批通縣民婦王張氏呈王玉章挾仇率匪寅夜砸門入室毆打捆走氏夫王起瑞滅跡訴縣
不究將兇犯發保冤難昭雪請派員詳查並令縣獲兇辦法文 四月十八日

呈悉已令行該縣迅予傳集人証認真根究法辦矣仰即知照此批

批周文藻等呈大興第五警分所長孫藍亭侵吞公款文 四月十九日

呈悉仰候令縣查覆核奪此批

批于國潤等呈寶坻勸學所張丹忱被控有據請另選文 四月十九日

呈悉查此案前據喻以言呈訴已令行該縣查復尙未據呈復到署據呈各節仰候令縣併案迅速查復再爲
核奪此批

批順義人周景明呈爲周景太地基糾葛涉訟一案請派員查明飭縣押令遵判將道西樹

株土坡撤去以符堂判而利通行文 四月二十日

呈悉此案現據順義縣知事查明覆稱該民與周景太因地基糾葛爭控經該縣判決飭警監視執行嗣該民
迭以該縣不依原判執行在司法部呈訴復經該縣於九年十一月間帶領書記弓手召集該村村長佐及當
事人等齊集爭訟過道處所限同勘得該過道東西寬八尺五寸此八尺五寸內並無樹株存在經該民及村
長佐等出具甘結在案等因該民所控顯係不實應予駁斥仰即知照此批

批三河人李希明呈爲榮昆偽契訛地經縣訊令退地被差役厲永順串唆抗判延不退地
一年之久屢傳不到請令縣迅予判決附鈔件文 四月二十日

呈悉已據情行縣迅予判決矣仰卽知照此批

批梁德^珍等呈區董馬文良把持積穀散放不合請查究文 四月二十日

呈悉仰候令縣查明究辦此批

批李士英呈安次對於王友三抗債延不執行請飭執行文 四月二十一日

呈悉已據情行縣迅予依法訊斷矣仰卽知照此批

批胡鶴年呈請減少車捐以資試行文 四月二十一日

呈悉該商所稱各節自係實在情形所有該行應繳車捐應准每輛每月暫行酌減二元以示體恤仰卽彙齊
各項捐款呈繳到署領取捐照牌照以資營業一俟將來商務發達再行遵照原案繳納可也此批

批清承恩公法亮呈爲姑祖母圖產霸租請飭查追還以便憑契管業文 四月二十二日

呈暨函件均悉該職對於潤貝勒府既有債務關係此項地租糾葛應由該職自行設法理楚况前呈有潤貝
勒府妄報府產之語尤非雙方接洽無從更正仰卽遵照辦理此批函件發還

批溥春呈坐落安次縣祭田租地派人前往相機售賣原佃請令縣曉諭各佃文 四月二十三日

呈悉此案前據呈驗冊賬卽經令行安次縣知事查復嗣據復稱地冊花名票傳無着請飭該旗民携帶最近
花戶名册或派人赴縣與該莊頭劉大庫對質等語當經牌示知照在案是此項地畝租權究竟是否屬於該

旗民所有尙未確定所請令縣曉諭售租之處未便照准仰仍遵照前次牌示辦理可也此批

批房山區董侯服周等呈請緩徵羊稅以救災荒而蘇民困文 四月二十三日

呈悉仰候行廳查覆核奪此批

批鍾祿呈請將印契調局追繳升科及拖欠各費文 四月二十五日

呈悉此案既經宛平縣知事判決如有不服應於法定上訴期間內赴司法機關上訴所請應毋庸議仰即知照此批

批安次人周化庭呈爲李全父子合謀拉拐洋車請飭縣傳案嚴究文 四月二十五日

呈悉前據該民呈訴到署已據情令行宛平縣迅予傳案依法判決在案據呈前情除再令催該縣迅予判決外仰即知照此批

批水利聯合會代表武桓等呈爲遵傳聲復水利聯合會性質等四項並修訂會章請轉呈

示遵文 四月二十五日

呈暨修訂簡章均悉仰候呈部核示飭遵此批

批順義人周景明呈爲因地基與周景太涉訟一案知事終不照判執行請懇提究文 四月二十七日

據呈已悉前呈業經明白批示所請仍難照准此批

◎京兆財政廳公牘◎

呈京兆尹呈報本廳經撥通縣昌平農工銀行資本十萬元當日如何指撥及催收股息情形對於兩行究當如何行使股東權利請咨財政部核示文 三月十九日

呈爲呈報事竊本廳經撥通縣昌平農工銀行資本拾萬元一案迭奉 面諭垂詢當日如何指撥及現在有無催收股息情形謹具原委敬爲 鈞座縷晰陳之遵查本廳於民國四年十月二十六日奉 財政部飭開前據農工銀行籌備處詳稱農工銀行擬先從通縣昌平兩處籌設每處資本定爲二十萬元合計試辦兩縣定爲四十萬元以作官股開辦之始每處先行請撥十萬元俟辦有成效即可續招商股等語當經本部批准照辦至所定股款四十萬元由本部與京兆財政分廳平均分認兩處擬先各撥半數共計二十萬元由部先撥一半計十萬元其餘十萬元應由陳主任向京兆財政分廳籌撥即行開辦在案茲復據該籌備處詳稱現在通縣昌平兩處籌設農工銀行漸已就緒專候撥發資本即行開辦應請部認先撥十萬元之數如數撥付並請逕飭京兆財政分廳照案即行籌備十萬元合成二十萬元之數俾得尅日開辦切實進行等語查農工銀行股本四十萬元由部與該分廳分認並先撥半數計二十萬元業經批准有案該籌備處請撥股本二十萬元以便開辦自應照准除由部飭司先撥十萬元外合行飭知該廳長照案即行籌撥十萬元可也等因當經陳前廳長昌毅在京兆分金庫收存稅款項下提出現洋十萬元於是年十一月二日接准農工銀行籌備處派員顧懋銘來廳具領照數點交分發通昌平兩行作爲官股維時陳前廳長身兼籌備處主任負有經營創辦之責祇求行務得手而對於此項官股之如何協定股息與夫日後之如何行使股東權利應否訂立合同俾資遵守一切未暇計及而該兩行自接收官股後旋於是年十一月間先後開辦自是累年籌備處及該

兩行從未嘗以營業盈虧情形報告片紙隻字入於廳署直至八年十二月間陳前廳長以該兩行營業已閱四載進行狀況未據報告各年股息亦未照繳殊於本廳職責有關兩次函催始據該兩行將五六七八等年營業大概造具書表送核至股息則仍未據繳而前項書表諸多錯誤並未按照審計院定式造報一切礙難查考復經陳前廳長呈奉 前尹王駁令另造嗣後亦未據續呈此經撥通昌兩行官股以前之經過情形也廳長抵任調核卷宗誠以鉅額公款所關措置亟宜慎重復以時序新陳代謝營業年度遽當更始該兩行應造之九年份報告又未據呈當於本年二月間分別咨函籌備處及該兩行催取併追繳歷年股息隨於三月八日接准籌備處函覆內開查通昌兩行六七兩年股息在民國九年一月彙案分配後所有本處應行提交貴廳長之款適因財政部積欠本處經費之故時向通昌兩行借款數目稍多以致連同八年份股息均未能由兩行一時撥出屢經具呈向部催發迄未領到在案嗣於民國九年奉財政部指令內開該處經費准由通昌兩行股息暨大宛農工銀行墊款官息撥發補助並將領收情形隨時報部查核等因現又奉部令將本處改爲全國農工銀行事務局所有處中未結之件均歸事務局接收辦理此項前欠未繳之股息卷宗已由本處移局以後或遵照部令撥發辦理或俟領到部欠經費時撥還辦理應請由全國農工銀行事務局接洽辦理至九年度兩行決算本處亦經移交事務局接收容核定後即由局函送備案除函知通縣農工銀行外相應函請查照可也等因復據通縣銀行函同前由而昌平銀行則迄今並無答覆此近日催收股息之進行情形也廳長當查籌備處自以部章所許管轄兩行始因處費短欠任便向兩行借支似已非尊重銀行資本之道繼因借支過鉅動用及於本廳股息又不將實在情形咨報迄本廳咨詢援據部令爲藉口殊不知部令僅

係處分部息於懸息無與未可影射所論實爲詞費而要之本應收兩行八年以前之股息則爲挪用告罄來函甚明然究竟每行每年所繳若干總計用過數目若干又未明白登覆本廳於籌備處經費之短欠初不實何等責任而籌備處視本廳公款一不鄭重至此廳本實不無遺憾至九年份股息來函未云動用當係仍存在兩行聞每行均以七厘起息該項息款七千元自應仍由兩行措繳惟兩行與本區官廳向極隔膜卽如上年鈞署駁令更正書表迄未遵送此次本廳函詢昌行亦不置覆於此可見夫本廳所撥之款根據四年十月部飭明定爲部廳分認之官股按之銀行通則官商合辦之行官股部分固有種種正當股東權利若無商股純係官辦者更不當同年而語况農工銀行尤非普通銀行之比按照條例第五章卽未經撥給官股之地方官署尙有各項監督保護之權安有既撥官股而股東權利反無着落以致營業狀況從不深悉股息亦不能直接收取任聽他人挪用後仍無聞見扞格至此試問日後資本苟有虧損究屬何人負責現在籌備處業經裁撤另設事務局由大部直轄具見大部振挈綱維亟整頓之意莫名欽服所有前籌備處用過本廳八年以前股息數目究有若干如何歸償兩行應交本廳九年份股息如何措繳又本廳對於兩行究當如何行使股東權利各節極望於此時得一正當解決俾地方與兩行日後不致滋生糾葛抑廳長尤有進者大部之新辦事務局無非志在推廣銀行夫欲推廣銀行自當以官股提倡爲較捷苟有人焉按及本廳官股之成績謂投資六載毫無收益民生之樂利與否尙待考查而地方財產所蒙損失已鉅且此項損失非因扶助銀行而係以供一官署之開支儼然消耗此種論調易滋誤會豈不足爲獎勵官股之梗夫振興實業誠屬美名而坐耗公儲有關官守此廳長兢兢業業而尤幸大部之補偏救敝勿以一隅之故致貽影響於全局之前途

也。長職責所在，重承鈞指，不憚率直以陳，應否即由鈞署咨呈大部核示之處，理合具文呈請 鑒核批
示謹呈

京兆尹

◎ 附 錄 ◎

禁煙法令

照錄英朱使節略

中國數省於民國六年內經華英委員聲明種煙業已淨絕，曾將陝西省開列在內。乃近來迭據報告，以於此之後，該省重行廣種罌粟。惟因該省內亂，正熾，本使館向未欲因此難為貴部。乃現在既已停戰，應將下列各情通知貴部。上年春間，該省對於播種之人，准其收煙，且生煙每兩可售制錢五千文，以故本年陝省種煙之情，較之上年，遂致倍蓰。即上年春間未播種者，至於秋間亦已播種，以故所望收成者，為數極多。又蓋屋一帶之官員，現已向種煙之地征收稅款，並曾設局欲向售出之煙亦收稅項，且蓋屋以外，如興平、武功、鄠、郿各縣，近年均已種煙，且有勸令農家於種植豆麥之田改種罌粟者，以便該省督軍可以多得稅項。又上年所收之煙，幾乎全為河南軍隊購去，携往河南。且此項惡劣情形，由該省華人及僑居之外人均曾函呈本使館，咸謂此事責任全為督軍陳樹藩所担負。查中國政府欲使陝省恢復治安之能力，此時較之往昔已形增加。故望儘先所辦者之中，必有完全淨絕種煙之舉，以便使該省能恢復民國六年之善狀可也。一九一九年三月二十九日

照錄英朱使照會

爲照會事准上年十二月九日來函內稱貴政府曾經議決將上海存土銷毀云云此種最關重要之中國欲根本剷除煙害之舉本大臣業即詳報本國政府查照矣茲奉

復令囑爲聲明本國政府對於中國政府及國民既顧全大義不忍謀利於鉅值之存土復顧及本國及世界之大利而爲此最大之犧牲用此甚深感佩本國政府且歡迎此舉爲中國政府欲使往時流行劣習所致之害及退化之情即行停止之明證不期本國政府得悉此數年內中國數省實有重行種煙之事遂甚以爲可惜也此節在中國國人皆知無俟詳贅而本大臣屢次得驗此等之事則必隨時令館員奉達

貴部矣據江蘇福建安徽湖南四川雲南貴州東三省新疆等省之報告藉知各處廣行種售煙土詳閱各該報告之內容乃均屬確鑿而不容疑惑者於此之外有本大臣三月九日節略內所提之陝西省則更呈格外重大退化之情緣迭接該省多方所來華洋可靠之報告均足以證明不特種煙之行極爲普遍亦且爲貴政府所命官員或明示鼓勵或默示允許之所致而尤以該省督軍爲之罪魁也貴代理總長查核此情時本大臣應即提醒按照宣統三年禁煙條件印藥減運時中國政府亦允爲同等之減種且年餘以來印藥於中國之運入業已完全停止而本國政府所以令其停止之故祇因以在中國產煙之行亦已停止也今在中國重發產煙之事本國政府不能不視爲大違中國政府鄭重允准之辦法此項違背辦法之情本大臣奉本國政府令應爲嚴重責問此節並應向貴代理總長提及本國政府於允行宣統三年禁煙條件時其目的係欲襄助貴國政府以剷除世界共視之中國流行劣習倘中國政府不行禁煙條件內中國方面之所應行以致不

能達此目的則其對於本國國民及世界各處人民所負重大之責任固無待本大臣之辭費也現陝西及他省之負責長官故意獎勵種煙售煙之事自與他方銷毀煙土之主旨及資財之所以犧牲大相逕庭以故外人與論不能不謂中國遇事之不能出於一致遂於中國國際利益上頗蒙不利之影響也是以甚望中央政府必須設法能令此等意見歸於免除且望萬無疑豫即應早日處置如陝西督軍之明示鼓勵於其轄境以內種煙之長官以儆其餘可也須至照會者 一九一九年五月二十八日